

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U GRADAČCU**

Broj: 028-0-Su-22-000 671-13

Datum: 17.10.2022. godine

Na osnovu člana 70. stav 1., 3. i 6. Zakona o javnim nabavkama („Sl. glasnik BiH“, broj: 39/14) a na prijedlog Komisije za javnu nabavku imenovane rješenjem broj: 028-0-Su-22-000 671-1 od 20.09.2022. godine, dopunjeno rješenjem broj: 028-0-Su-22-000 671-8 od 05.10.2022. godine predsjednica Općinskog suda u Gradačcu donosi:

**ODLUKU
o izboru najpovoljnijeg ponuđača**

Član 1.

Prihvata se preporuka Komisije za javnu nabavku data u Zapisniku o ocjeni ponuda broj: 028-0-Su-22-000 671-12 od 10.10.2022. godine u postupku javne nabavke radova-molerski radovi za potrebe Općinskog suda u Gradačcu, provedenog putem konkurentskog zahtjeva za dostavu ponuda te će se ugovor dodijeliti ponuđaču „ASILT ing“ d.o.o. Gradačac, Sarajevska bb, Gradačac, ID broj: 4209949080006 za ponuđenu cijenu od 17.000, 00 KM bez PDV-a a nakon održane e-aukcije.

Član 2.

Po okončanju roka za žalbu, ugovorni organ će pozvati izabranog ponuđača radi zaključenja ugovora, kojim će se regulirati međusobna prava i obaveze vezane za predmetnu nabavku.

Član 3.

Izabrani ponuđač dužan je dostaviti dokaze o kvalificiranosti u roku od 5 (pet) dana od dana prijema ove Odluke.

Član 4.

Ova Odluka objavit će se na web-stranici Općinskog suda u Gradačcu istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 5.

Ova Odluka stupa na snagu danom donošenja.

Obrazloženje

Postupak javne nabavke radova-molerski radovi za potrebe Općinskog suda u Gradačcu pokrenut je Odlukom o pokretanju postupka nabavke broj: 028-0-Su-22-000 671 od 20.09.2022. godine.

Javna nabavka je provedena putem konkurentskog zahtjeva za dostavu ponuda.

Izbor ponuđača izvršen je na osnovu kriterija najniža cijena tehnički zadovoljavajuće ponude.

Procijenjena vrijednost javne nabavke bez PDV-a je 18.799,34 KM.

Obavještenje o nabavci broj: 518-7-3-1-3-1/22 objavljeno je na Portalu javnih nabavki dana, 26.09.2022. godine te je istovremeno sljedećim ponuđačima upućen poziv za preuzimanje konkurentskog zahtjeva za dostavu ponude: „OPTIMUS GRADNJA“ d.o.o. Gradačac, „SEVGRAD“ d.o.o. Gradačac i „ASILT ing“ d.o.o. Gradačac

Konkurenski zahtjev za dostavu ponude sa portala javnih nabavki je preuzelo ukupno 10 (deset) ponuđača.

Komisija za javnu nabavku imenovana Rješenjem o imenovanju Komisije za javnu nabavku broj: 07028-0-Su-22-000 671-1 od 20.09.2022. godine, dopunjeno rješenjem broj: 028-0-Su-22-000 671-8 od 05.10.2022. godine izvršila je otvaranje pristiglih ponuda dana: 10.10.2022. godine u 12:00 sati i o istom sačinila Zapisnik o otvaranju ponuda, nakon čega je pristupljeno ocjeni ponuda.

Iz Zapisnika o ocjeni ponuda koji ujedno predstavlja i Izvještaj o radu Komisije utvrđeno je sljedeće:

- da je ukupan broj pristiglih ponuda 5 (pet);
- da je blagovremeno zaprimljeno 5 (pet) ponuda;
- da nema neblagovremeno zaprimljenih ponuda,
- da su pristigle ponude ponuđača: „KULA MONT“ d.o.o. Zenica, „SEVGRAD“ d.o.o. Gradačac, „ELEKTROCENTAR PETEK“ d.o.o. Tuzla, ASILT ing“ d.o.o. Gradačac i „HOGIĆ GRADNJA“ d.o.o. Gradačac i prihvatljive i da mogu učestvovati u e-aukciji.

Naime, konkurentskim zahtjevom za dostavu ponude predviđeno je održavanje e-aukcije koja je zakazana za dan, 13.10.2022. godine sa početkom u 10:30 sati i na koju su pozvani ponuđači čije su ponude prihvatljive. Nakon završetka e-aukcije, ugovorni organ je dobio obavijest Agencije za javne nabavke BiH o uspješno završenoj e-aukciji te je kreiran Izvještaj o toku i završetku e-aukcije.

U Izvještaju o toku i završetku e-aukcije kreirana je konačna rang lista ponuđača koji su učestvovali u e-aukciji, prema kriteriju najniže ponuđene cijene te je ugovorni organ prihvatio ponudu prvorangiranog ponuđača i to:

- „ASILT ing“ d.o.o. Gradačac sa ponuđenom konačnom cijenom ponude u iznosu od 17.000,00 KM bez PDV-a.

Shodno svemu navedenom, Komisija za javnu nabavku je, nakon ocjene ponuda i održane e-aukcije, sačinila preporuku o izboru najpovoljnijeg ponuđača „ASILT ing“ d.o.o. Gradačac sa ponuđenom cijenom od 17.000, 00 KM bez PDV-a.

U postupku donošenja ove Odluke, posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača te ocjenu pristiglih ponuda shodno kriterijima iz konkurentskog zahtjeva.

Prilikom ocjene provedenog postupka, rukovodilac organa nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor ponuđača izvršen u skladu sa Zakonom o javnim nabavkama, podzakonskim aktima i konkurentskim zahtjevom.

Zbog svega naprijed navedenog, odlučeno je kao u članu 1. ove Odluke.

POUKA O PRAVNOM LIJEKU:

Protiv ove Odluke može se izjaviti žalba u roku od 5 (pet) dana od dana prijema Odluke.

Žalba se podnosi ugovornom organu u pisanoj formi direktno ili preporučenom pošiljkom, u dovoljnom broju primjeraka, a koji ne može biti manji od tri, u skladu sa članom 99. i 101. stav 5. Zakona o javnim nabavkama BiH („Službeni glasnik BiH“ broj: 39/14).

PREDSJEDNICA SUDA

Slobodanka Kojić

DOSTAVITI:

- „ASILT ing“ d.o.o. Gradačac
- „HOGIĆ GRADNJA“ d.o.o. Gradačac
- „ELEKTROCENTAR PETEK“ d.o.o. Tuzla
- „KULA MONT“ d.o.o. Zenica
- „SEVGRAD“ d.o.o. Gradačac

